

Napaaqtut Ikulagaangatta Ihilaqigaangat Inungni Qayangnagnii Aannialaqitdjutaitlu

Ihingmiugangat iyarlingnaqtuq qilamik , qulvililiqlunilu, qalakhulaqinnaqhunilu, kakkilaqinnaqhunilu. Ihilaqihimakpat ubluni qaffini Unagiuqhiringnilu qaffit naallugit, puvakliulaqinnaqtuq qayangnaqtumik, qalalaqinnaqtuqlu hivituyumik.

Tahpkuat mikinikhaat hunavaluit ihingmiitut aanniarutiqaqtuyuyut. Tahpkuat puvaup iluan'nungaluaqpaktut. Mikiyut ikulaniit qallakhulaqinnaqtut aniqtiriyaamilu ivyan'ngunaqhutik. Ihingmiugangatlu uummakluktuni puvangmikutlu aanniarutiqaqtuni ingattarutitaagtut, uvvalu qalaliqtaagtut qalakhulirlutik, puvaitlu immaktiliqlutik puvangmikuttlu Aanniarutiqaqtut ingattaqlutik, uvvalu uummatiklukamikluuniit. Innakhatlu miraatlu ihermit munarittiaquyuyut qayagigamigit.

Hapkuat atugakhat atuqtaqtatit nungani ihilaqikpat.

1. Iglum iluaniinahuritpaklutit aniaqattainaqhimaitumik, igalaatlu ukuatlu ukuaqhimalugit.
2. Higaaqhimaitumik, inuit higaaqpata ilvit ahinungaqpaklutit
3. Iglup aniqtirutaanik halumaqtirutiqaqruvit HEPA kuhirviqaqtumik aturlugu.
4. Qiyuktuqtumik ingnirvituruirlutin, hiuryuguirlutinlu iglum iluani, uvvalu kaalingniq aturuirlutin. Tahpkuat aturupkit aaniqhaagiami ingatautitaangmatta.
5. Akhaluutip iluaniitkuvit igaalaangit umikhimalugit, uvvaluuniit akhaluutip aaniqhaangniup halumaqtiruta iluani aulania ikitlugu hilaanmut aniqtirinianiut ihingmik hilungniatumik akhaluutip iluannut.
6. Niqinik huun'ngiliatunik igayariitunik pihimalutin ublut qaffit naamayukhanik, ila igagangat (ukuat ingatautivaktut, hiqatitiniq ingnirviuplu iluani iganiq) iglup iluani aaniqhaariami ingatautitaangmat.
7. Imangmiq imiqattaqlutit qingatu qan'natlu ailangayaangin'ni aaniqhaariami nakuutqiyayumaaqtuq.
8. Naalatiqhimalutin uuminga "Tamainut Inungnut Tuhaayakhat"
9. Tahpkuat hilami piuyautit hulilukaangniitlu ilihimatiarlugit ubluq aallamut nuunakhangmatta uvvaluuniit taimaaqtitlugit pinakhangmata ihilaqivalaaqpat.
10. Puvaktit ivyan'nguhuliqatta, uluriangnaqhikpattaluniit aniqtiriyaami akhuungnaqhikpat imaaluniit unaguhualiruvit munaqhinut daktinutluuniit nunangni ilihimapakarlugit. Tahamna maliktaagtat uumatingnilu puvangnilu uyuqhautiqangitkaluarlutin.
11. Hilami hanaqitaililutin hulilukaaqtaililutinlu, unaguqtaliruvit unaguiqhirlutin. Nuttaqatitilu aaniqattaqtailivyaarlugit.

12. Hilatitit, ilanaitit, ilatitluniit avaliitumik igluqaqpatta takuyaqtuqattaqpaklugit. Iningniitlu inuitlu uummatikluktut puvakluktutlu ihingmit aannialaqtataqtut. Ukkuatlu igalaatlu umikhimagaangatta ihit itiqtailiplugu iglup iluanut , iglup iluana uunnakpiaqpaktuq, uunnakpiarangami inuit unaguhulikallaktaangmatta uvvaluniit uummahiqattaangmatta. Tahapkuat anuqautitaaqtut tilralaarutit niglaumatdjutit aturlugit iglum iluani ilua aaniqtiriyaami ihuaqtumik.
13. Mikinikhaat ikiniit qayangnaqtut mikigamik kinauyap haniraatigut itiqtaqtut, putuumagamilu ikiniit mikiyut itiqtaqtut iluanut. Iglup iluani igalaat umikhimalugit iluaniitkuvit nakuutqiyaq.

Inuit uummaluktut puvakluktutlu hapkuninga maligakhanik maliktaqtut.

1. Qalalaqittaruvit uummalukuvitluniit uvvaluniit puvaklukuvitluniit ilingnik munaritariutin. Havautituqtatit tamaita aturlugit, munaqhiplu daktiplu uqauhiit maliklugit. Havautititlu naamapkarlugit Unaguiqhiringni malrungi.
2. Iglup inluani aniqhariami halumaqutaanik aturnahuaruvit maligakhait titiqqat taigutiarlugit nalaumayumik maliklugut piyukhaut, ihilaqitinagu.
3. Itdjuhiit ihumalugigungni munaqhimut daktimutluuniit uqarlugu.

Ilituriarumaguvit :

Una havakvik hivayarlugu atan'nguyaqpak Humiliqaak Aaniarnaitukkut Havakti hivayaunmi uvani (867) 920 - 8877

Ukuat qaritauyakut takuurviit pulaarlugit:

www.hlthss.gov.nt.ca (Nunatiami Havakviit Aanniarnaitukutlu Ikeyungniaqtitlu)

www.air.enr.gov.nt.ca/NWTAQ/currentairquality.aspx?serialcode=12 (NWT Department of Environment and Natural Resources)

www.enr.gov.ca (NWT Department of Environment and Natural Resource)